

KRAKËLLIMAT E NATËS

---

ADEM ZAPLLUZHA

# KRAKËLLIMAT E NATËS

Redaktor :  
Sokol Demaku – Koli

Recensent :  
Mazllum Baraliu

Lektor:  
Sokol Demaku- Koli

KRAKËLLIMAT E NATËS

---

ADEM ZAPLLUZHA

# KRAKËLLIMAT E NATËS

Shoqata e Shkrimtarëve  
“Fahri Fazliu”  
Kastriot, 2014



## **NJË JETË E TËRË DHËNË PAS POEZISË DHE ME POEZINË**

Një jetë e tërë dhënë pas poezisë dhe me poezinë, e ky është poeti dhe shkrimtari Adem Zappaluzha, i cili na vjen pas prozës poetike “Fjetëm njëqind shekuj” me buqetën e tij poetike më të freskët “Krakëllimat e natës”, e cila buqetë poetike shpalos me mall dhe ndjenja shpirtin e poetit nëpër kohë dhe vuajtje e mundime shpirtërore.

Përmbledhja poetike “Krakëllimat e natës”, është ndarë në tre cikle, të cilët secili në vete ngërthejnë dhe mbajnë gjallë vrullin e poetit për një të ardhme më të mirë. Ciklin e parë autori e ka titulluar “Ishte koha e një kohe”, cikli i dytë “Krakëllimat e natës” dhe i tretë “ Një zog i trishtuar”.

Autori bënë një shëtitje nëpër kohë, bënë një lëvizje, e cila lexuesit i jep mundësin që të njihet dhe përjetoj kohën dhe përjetimet e kohës, duke u nisur nga koha antike, duke përdorur filozofinë tij prej poeti, filozofinë e fjalës, në paraqitjen e realitetit të kohës dhe jetës.

E një fjalë e urtë filozofike shqiptare na thotë:  
*“Njeriu nuk është i përjetshëm, le të përpiqet të jetë  
e pavdekshme ajo që do të thotë dhe ajo që do të*

*bëjë*”, e këtë lexuesi do e gjejë në punën dhe veprën e autorit të buqetës poetike “Kraçellimat e natës.

Poeti Adem Zaplluzha në shpirt ka një gurrë të pashtershme frymëzimi të veshur në stilin dhe modelin e lirikës sonë popullore. Në vargjet e tij do hasim kohët e shkuara me të gjitha të ligat të cilat më shekuj renduan mbi supet tona dhe se lan rrënjët, të cilat edhe sot e kësaj dite na dalin dhe na “*zgërdheshen si macet e zgjebosura*” dhe se në mënyrë alegorike poeti ve në pah të bëmat të cilat kanë edhe sot e kësaj dite rrënjët nga lashtësia sepse autori thotë: *Dallgët e liqenit/Nuk fjetën atë natë/S’i zuri gjumi as zogjtë e ujit/Te shkallët e një gjëme/Po përgatitej preja e një mali/Që nuk shembej me asgjë.*

Por është shumë magjepse ndjenja e poetit për kohën e kaluar, për fëmijërinë e tij që ai atë e gërsheton më ëndrrat të cilat e kthejnë në kohën e ninullave të tija, pro të cilat ninulla kanë humbur diku e autori thotë: *Kur më ngatërrohen ninullat/Dhe më humbin rrugët e gjumit/Te unë zgjohet fëmijëria.*

Por kjo fëmijëri është e zyrtë ka humbur rrugën sikur anija që do të fundoset e nuk gjen do të shpëtim: *Dielli në horizontin e përsququr/Noton si anijet e fundosura/Mbi shpirtrat e pafajshme të mjegullave.*

Nga këtu e fillon poeti ciklin e dytë të buqetës në fjalë, i cili cikël ve në pah ndjenjën e fëmijërisë së autorit por edhe filozofinë dashurisë së kohës, e këtë përmes poezisë “Kraçëllimat e erës” nga e cila poezi edhe vëllim i mori titullin.

*Të kujtohet/Valsi jonë i parë/Ne ishim pak  
kokëfortë/E pak më shumë konfuzë/Stinës i vinte  
një erë borziloku/Kurse flokët e tua kaçurrela /I  
përngjanin aromës së tërfilit/I cili depërtonte nëpër  
shqisa/*

*Pa trokitur /Në asnjë portë të mendjes.*

Dhe se koha bashkëkohore ka pasur ndikimet e saja në rrjedhat e jetës dhe se ndikimi i saj ndihet në të gjitha poret e jetës:

*Kur u rritëm/Nuk i përngjanim më vetvetes/Nga  
rropullitë tona /Filluan të fryjnë disa lloje  
erërash/Krejtësisht ishte më ndryshe/Kur ishim të  
vegjël/Jetonim pa i njohur dredhitë e njerëzve/*

*U besonin pafajësisë së fluturave/Tërë ditën loznim  
/Me të gjitha speciet e zogjve.*

Autorin e brenë në shpirt dhe ai këtë e ndjenë me keqardhje se tani ne nuk jemi ata të cilët duhet të jemi, kemi humbur atë që na lanë trashëgim të parët dhe se kjo:

*Asnjëherë në jetë/Nuk kuptuam se kush jemi ne/Të gjallët e rrjepin /Kurse të vdekurve me një elegancë/Ta                      paparë/Ua                      veshim pantallonat/Këpucët dhe këmishët e reja/Nuk e harrojmë as kravatën.*

Vuajtja shekullore që ka rendua mbi supet tona ka lënë vrage të thellë në ndjenjat e poetit dhe ato vrage janë prezent edhe sot ndër gjenerata:NJERËZIT MË NUK DINË

*Mos të lutem/Mos i hap portet e dhembjes /Të kësaj nate të gjymtë/Hijet kaherë /I vranë merimangat e zeza/Një kambanë që disa shekuj/Po vajton golgotën e fateve të fluturave/Kryqet u dehidruan në shi/Vetëm një zë si mallkim i lashtë/Dëgjohet nëpër eterin e pluhurosur.*

Por autori është optimist dhe se ndjen se rruga e trasuar do jetë ajo e cila do ndritë dhe të gjithë së bashku do ecim përpara:HARABELAT

*Çdo njeri e ka historinë e vet/Një palë këpucë vrapojnë rrugëve/Vrapojnë /Deri sa të shqyhen shollat/Si një hartë e grisur prej letre/Po duket atdheu im.*

Në ciklin e tretë," Një zog i trishtuar", defilojnë tituj poezish idilike, poezi të cilat japin jetë dhe shpresë për një të ardhme më të lumtur si: *NËSE NGJAN E KUNDËRTA/ULEMI TE PRAGU I DERËS/NGA*



*LËVORJA E DRURIT/NJË ZOG I TRISHTUAR/JONI  
NOSTALGJIK/NJË ZOT I HARRUAR/NGA SYTË E  
TUA/FRYJ SA TË DUASH/KUR MË ZURI PLEQËRIA/  
dhe shumë poezi tjera të cilat janë një realitet i  
jetës në të cilën poeti jeton.*

Më ka rënë të dëgjoj, por edhe në jetë e kam  
provuar edhe vetë se botimet e librave janë tubime  
të këndshme ose festa të përbashkëta të atyre që  
krijojnë dhe atyre që adhurojnë gjuhën dhe  
letërsinë, si lexues të çdo moshe dhe gjinie. Se libri  
është ai që bashkon njerëzit, se libri është pishtar i  
madh i cili rrezaton dritë e dituri te njerëzit.

*Sokol Demaku*



*Ishte koha e një kohe  
Cikli i parë*



## **ISHTE KOHA E NJË PASHAI**

Mes rreshtave të një poeme  
Teatri i njohur antikë  
I ka shtrirë krahët  
Dhe zgërdheshet  
Si macet e zgjebosura

Këtu nata këlthit  
Jo nga vaji  
Por nga krakëllima e një korbi  
shpirt sterrë

Mbi ballin e rrudhosur të liqenit  
Si pulëbardhat e egra  
Fluturuan do zogj nate  
Dhe kurrë më nuk u kthyen  
T'i njomin sqepat  
E kafshuara të fjalëve

2.

Pa përfunduar akti i parë  
Në gjymtyrët e skenës së baladave  
Filluan krakëllimat  
Tani më të njohura  
Të erës

Thanë se është fundi i mjegullave  
Por njerëzit s'ndaleshin të mendojnë  
Piskamat lindnin trishtime  
Britmat piskama  
Edhe më të tërbuara

Dallgët e liqenit  
Nuk fjetën atë natë  
S'i zuri gjumi as zogjtë e ujit  
Te shkallët e një gjëme  
Po përgatitej preja e një mali  
Që nuk shembej me asgjë

Në basamakun e tretë  
Në këmbë qëndronte  
Një shkëmb prej mishi  
I cili asnjëherë  
Dhe askurrë nuk u gjunjëzua

3.

Nga murishtat e kalasë  
Një siluetë  
Mbase paska filluar  
Me çelë si lulja e kripës  
Një tragjedi të re

Në ballkonin e sipërm  
Një fllad dilte  
Nga xhepat e çallmave  
Dhe frynte me një trishtim të paparë

Gishti tregues i mbretit antik  
Drejtohet kah toka  
Një jetë njeriu  
Tani më rrëshqet në harresë

**4.**

Britmat me gjasa ende dëgjohen  
Nëpër kthinat e kujtesës  
Një luan i tërbuar nga era e gjakut  
Shikon habitshëm  
Se si ulërinë njerëzit  
Jashtë mureve veç ka filluar  
Të bie një shi imcak

Qanin edhe gjethet  
Nuk pushonte as xhadeja  
Diku pas maleve  
Hungëronin deri në tërbim  
Një derr i egër  
Dhe një varr i hapur



5.

Pelerina e bardhë  
Mbase ajo bardhësi dallohej  
Shumë pak  
Nga ngjyra e qershisë  
Një hije e kuqërremtë  
Fshihej si fantazma pas mureve

Në anën e kundërt të sarkofagut  
Dallohej një kryq prej gjaku e mishi  
Ngulur në shpirtin e tokës  
Ose në kokën e një njeriu  
Po kalben arkivolet

Një kryq  
I gozhduar në zemrën e mjegullave  
Qante si kërthi te korijet  
Fatin e një tragjedie  
Që asnjëherë nuk e luajtën  
Aktorët e një kohe të leckosur

**6.**

Qeshnin edhe zambakët  
Me fustanin e erës  
Joni i lustronte këpucët për festë  
Nga gjëma e shekullit  
Dolën ca zëra  
Që i përngjanin atyre të cirqeve  
Teuta si kurrë më parë  
E mprehte shpatën e dallgëve  
Dhe aq bukur i dukej  
Fustani i kaltër prej algave  
Sa që ja merrte bukurin detit

7.

Peshqit nuk pushuan gjatë tërë natës  
Edhe një tjetër valle lozej  
Ajo e mortit  
Në maja shpatash

Gurgullonte qeshja e Ali Pashait  
E Janina  
Askujt nuk i tregoi ëndrrën  
E një bese të thyer  
Ëndrrën  
E një kali të egër  
I cili vraponte drejtë skëterrës  
Me dizgjin prej shevari

8.

Thonë se atë natë  
Liqeni nuk vuri gjumë në sy  
Tërë kohën gjëmoi  
Për një trishtim që e prite

Dhe erdhi mëngjesi  
Dy palë sy  
Si dy liqene qanin  
Fatin e një rrapi të prerë  
Nuk dihej më  
Se nga cila anë frynte liqenza  
E pjelljes së tradhtisë

9.

Shumë ngadalë  
Me hapa të plumbta  
Kërcëllinin rrotat  
E një araba mbushur me zhivë

Hijerëndë  
Dhe me plotë madhështi  
Dëgjohej uturima e peshkves  
Mbi pluhurin e një xhadeje  
Kalonte vdekja

Një gjysmë trupi  
Si shpirti i sfinksit  
Mbeti në Janinë  
Kurse koka  
Ah sa koka shqiptarësh  
Thaheshin si këmishët e luftës  
Në kamaren e turpit

**10.**

Kam dëgjuar  
Ashtu thonë se e vetmja kokë  
Që nuk qëndroi as një natë  
Të plotë  
Në atë kamare kokësh  
Ishte ajo e shpirtit të Tepelenës

Ishte koka e një pashai  
Që deshi të vdesë  
Dhe të varroset  
Vetëm në vegimin e përgjumur  
Të Këlcyrës

**11.**

Po të lindja edhe njëmijë herë  
Nuk do të doja asnjë fat tjetër  
Përpos të Ali pashait

Kokat përherë udhëtojnë dika  
Por trupi  
Mbetet si një mal  
Që s'leviz nga vendi

Le të jetë koka në Stamboll  
Ose ku ta di unë se ku  
Ama trupi  
Dhe këpucët  
Le të më varrosen në atdhe

Ky teatër antik  
Nuk di a ishte dikur përrallë  
Ose vetëm sot zgërdheshet  
Me aktorët e panjohur

Kur dal nga poema  
Ose hy në ëndrrën e saj  
Dua që trupi dhe koka ime  
Sërish  
Dhe sërish të varrosen në atdhe

12.

Në flokët e shprishura  
Të dallgëve  
Hingëllonte një kalë i kuq

Liqenza frynte  
Nga të gjitha anët e ndërgjegjes  
Në teatrin e bejlegut  
Një mjekër bardhë luante  
Me tespihe prej kristali

Era frynte e frynte  
Mbi lisat e sëmurë  
Flinte ëndrra e një zgjebe

Atdheu lëngonte si kurrë më parë  
Nga një sëmundje aziatike  
Një kalorës i zi  
I përngjante sterrës së verbët  
Kudo sterrë në hapësirë  
Dhe shpirtra

Në sytë e përlotura të nënave  
Krakëllimat e çafkave  
Mbulonin qiellin  
Që lëngonte me shekuj



## 13

Mbase pritëm kot  
Ta lozim rolin në aktin e parë  
Pa i njohur mirë si duhet rregullat  
E një drejtshkrimi të çoroditur  
E mashtruam atdheun

Ishin si duket disa ëndrra  
Të shthurura  
Nuk dihej kur është mëngjesi  
Dhe ku të zinte mbrëmja

Sekrete fantazmash të vdekura  
Fshiheshin nën arkivolet prej eshtrave  
Ishte një natë e tmerrshme  
Natë e thikave të gjata

Kur e rrjepën hënën  
Sterra fshihej pas hithrave  
Vetëm gjaku belbëzonte  
Në një gjuhë krejtësisht të panjohur

Nga një minare e re  
Ende dëgjohej gjëma e një kryqi  
Dhe vaji i tërthortë  
Në lotin e një gruaje të dhunuar

Njerëzit me gjasa luteshin kot  
Zoti i tyre i verbër  
Veç kishte filluar t'i harroj  
Orakujt e dehur  
Nga kënaqësitë e çasteve banale

Ose nuk kishin ekzistuar  
Asnjëherë më parë  
Hijet e atyre perëndive  
Në këto fusha të shkelura  
Prej patkonjve të ndryshkur

Kujt t'i luteshin në këto çaste  
Fëmijët e erës së algave  
Mbase kishin vdekur  
Edhe zotat pagan

Asnjë faltore nuk bëzante  
Një heshtje e trishtuar  
Përzihej tinëzisht  
Me gjakun e shprishur të frikës

**14.**

Zoti im  
Nëse mund të të quaj kështu  
Ku ishe dje  
Dhe në cilën ëndërr ike sot  
Ku po fshihesh  
Të ishe Zot si duhet  
U kishe dalë zot zogjve pa fole

O Zot i im  
Si të mbështetem në forcën tënde  
Kur as vetveten  
Nuk je në gjendje ta mbrosh

Zoti im  
Mal i çmendur pa rrënjë  
Ku është arkivoli yt  
Me lejo të flijohem për frikën tënde  
Me lejo ta zhgozhdoj sfinën e dhembjes  
Nga shtati i lisit

Zoti im  
Mos je shurdhuar  
Apo nuk je duke dëgjuar aspak  
Gjëmën e njeriut të vogël

15.

Mali me lisa po digjet  
O Zot i im  
Këputi dizgjinët e frikës  
Dhe eja të zgjohemi nga kjo zhgjëndërr

Një djep diku te rapsodit  
Po qanë me shekuj  
Nën mëshateknën e djegur  
Fshihen faqet e një libri të vjetër

Mali me lisa e rrënjë  
Po digjet  
Të kujt janë këto duar  
Që po i përkundin gjethet

I kujt jeni Ju o Zot i im  
Ku ishit dje  
Dhe ku jeni sot  
Që na lë kështu jetim

Të përgjërojnë drurët  
Mollët nëpër kopshte s'kanë më gjethe  
O Zoti im i madh  
Të padurueshme qenkan këto ethe

**16.**

Një mik më pat thënë  
Se jam një lis pagan  
Tjetri nga mëngët i shkund  
Të gjitha zotat e mi

Kurse unë  
As nënë nuk kam  
Të më vajtoj për së gjalli

Më kanë ikur zogjtë nga mendja  
Asnjë fjalë e urtë  
Nuk gjendet në fjalorin tim  
Vetëm kolonadat e disa perëndive  
U bëjnë hije përgjumjes së lisave

E lisat prehen si arkivolet  
Te varret e bardha  
Zoti im  
Te ato varre  
Ku janë varrosur nga dy veta

Kush po i fsheh hingëllimat e luftës  
Këto daulle që s'pushojnë  
Mbase lindën nga librat e vjetër  
Ashtu siç lindi tradhtia

**17.**

Te çezma  
Dëgjoheshin disa çjerrje zërash  
Nuk di  
Athua i përngjante njeriut  
Ose njeriu  
I përngjante lehjes  
Në majat e thikave të ndryshkura  
Nata ishte e gjatë

*Prishtinë, 22. Qershor 2013*

18

Mbi një dunë të vjetër  
Qante dervishi i ri  
Shandanët me qirinj prej eshtrave  
Paskan mbetur  
Pa drita fosforeshente

Nata disi i kishte humbur  
Orientimet e ecjeve  
Kalëronte mbi një deve të lodhur  
Me katër gunga

Gjethet e fishkura  
Për herë të parë derdhën lot  
Nëpër xhadenë e kalldrëmtë  
Iknin kalorësit dështak

Një vaj i llahtarshëm  
Dëgjohej edhe tejpërtejmes  
Yjet në grevë urie  
Sa pak ndriçojnë sonte xixëllonjat  
Udhën e qumështit në ikje

**19.**

Te fanari ishin kyçur dritat  
Asnjë anije nuk u kthye mbrëmë  
Vetëm varkëtarët llamburitnin  
Mbi llahtarinë e një tragjodie

Te basamakët  
Asnjëherë më nuk çelën zymbylat  
As zambakët e Dukagjinit  
Nuk ndjehen më mirë

Nënat me shamia të zeza  
U përngjajnë qyqeve  
E qyqet nënave

Qajnë edhe lisat e djegur  
Qajnë gurët e një atdheu të kafshuar  
Një arabaxhi i moshuar  
Mbase ky njeri nuk qanë  
Asnjë pikë loti që i përngjan peshkves  
Nuk paska mbetur  
Në sytë e sfilitur të erës



**20.**

Nuk di se ku e mësuan njerëzit  
Për fillimin  
Nuk ishte në fillim  
Një fillim i ri  
Por përfundimi i një poeme  
E cila lindi në malet e Këlcyrës

Ishte një histori e rastit  
Shpirti rebel donte hakmarrje  
Kurse një lumë  
Nuk i përngjante më asnjë lumi

Derdhej duke gjarpëruar ledheve  
Si gjarpri i sëmurë  
Një hije e zezë  
Me do krakëllime korbash  
Mbase nuk donte të ndalej kaq afër  
Synonte varrin e të gozhduarit

Me një vajë të padëgjuar  
Qanin malet e stralltë të hënës  
Meteorët këputeshin nga hapësira  
Si kokrra molle pa gjethe  
Netët aziatike  
Nuk i ndalnin avazet e vjetra

Qante edhe një nënë pa burrë  
Kush do ja mbylli arkivolin  
E syrit të hapur

Këlcyra zgjohej si e çmendur  
Nga një ankth i llahtarshëm  
Netët më nuk kishin gjumë

Në ofshamën e lumit idhnak  
Në dysh u ndanë  
Tespihet  
Prej një mallkimi të stralltë

**21.**

Më duket se ndonjëherë  
Nuk kam lidhje me historinë  
Sa herë që desha  
T'i zgjoj baladat  
Para syve të gështenjtë të frikës  
Çmalleshin me të kaluarën  
Rapsodit e të gjitha kohërave

Nuk lash libër pa lexuar  
Mbase një histori e ngjashme  
Po përsëritet edhe kësaj here  
Një kërthi i dehidruar  
Ka gjasa  
Të mbijetoj përmbytjen e mjegullave

22.

Një hije fut e zezë  
Mbante në dorën e djathtë  
Një legen bakri  
Era pëshpëriti si në ethe  
Është koha e avdesit

Sfinksi i maleve  
Shikonte me përbuzje  
Dorën që dridhej mbi kokën e malit  
Dridheshin  
Edhe flluskat e lotit të pikëllimit

Lartë në qiell  
Disa yje endacak  
Shikonin si në teatrin antik  
Mjekrën e bardhë të Këlcyrës

Liqenza edhe kësaj herë  
Nuk e njohu frikën  
Shikonte lotin e legenit  
Se si përtypej nga tmerri

Te plepat e liqenit befasisht  
Pushuan krakëllimat  
Asnjë zë çafke  
Nuk i pëshpëriti fjalët e ringjalljes

**23.**

Si nga një lashtësi e tejdukshme  
Luani u ngrit në dy këmbët e pasme  
U ngritën edhe lisat  
Rrapi plak  
Përmallshëm lotoi si era

Në ahurin  
Përballë shelgjeve të pikëlluara  
Hingëllonte vetëm gjoku i Lekës  
Hingëlloi edhe nata e fundit  
E syve të kaltër

Një hënë humbi te mjegullat  
Këlcyra kësaj herë  
Dënesi për herë të fundit  
Me lotët stralltë të egërsisë

*Prishtinë, 23 qershor 2013*



*Cikli i dytë*  
*Krakëllimat e natës*





## **NJË ZOG SHTEGTAR**

Kur më ngatërrohen ninullat  
Dhe më humbin rrugët e gjumit  
Te unë zgjoheh fëmijëria

Dal nga lëkura ime  
Dhe te petalet e zambakëve  
I lexoj të gjitha epitafet e varreve

Dielli në horizontin e përskuqur  
Noton si anijet e fundosura  
Mbi shpirtrat e pafajshme të mjegullave

Diku në rrugën e qumështit  
Si krimbi i mëndafshit  
Çelin rapsoditë

Një lahutë nëpër hane  
Pushon mes trarëve të tymosura  
Dhe dënes si një kërthi i harruar

Mjegullat bisedojnë  
Për çastet e kohërave të kaluara  
Të cilat për çdo ditë  
Ndryshojnë formën e ekzistencës

Larg nën hijen e mështeknës  
Te përroi  
Nuk ndalet kurrsesi gurgullima  
E shirave të vjeshtës

Një zog shtegtar  
Mbase i paska harruar  
Të gjitha ngjyrat e fluturimeve  
Me orë të tëra bisedon në heshtje  
Me një arkivol të kaltër prej letre

## KRAKËLLIMAT E ERËS

Të kujtohet  
Valsi jonë i parë  
Ne ishim pak kokëfortë  
E pak më shumë konfuzë

Stinës i vinte një erë borziloku  
Kurse flokët e tua kaçurrela  
I përngjanin aromës së tërfilit  
I cili depërtonte nëpër shqisa  
Pa trokitur  
Në asnjë portë të mendjes

Çdo gjë na dukej atë natë  
Si një roman  
Që e shfleton kot  
Dhe nuk mund ta lexosh  
Pikat dhe pikëpresjet  
Që në fillim na mbetën në grykë

Një serenatë nate  
Na dukej si muzika e gjetheve  
Dy zogj  
Mbi telat elektrike  
I shkëmbejnë mendimet  
Një galop i paparë  
U paraqit në fushën e mjegullave

E shiu nuk dinte të ndalej  
Nëpër çatitë e djegura të Prishtinës  
Në një këmbë  
Ende qëndronin çafkat  
Krakëllimat e erës së djegur  
Nuk kishin të ndalur

*Prishtinë, 24 qershor 2013*

## KY FIS

Kishte mbërri te ne përtej maleve  
E deteve të çmendur  
I gozhdonte fluturat nëpër lisa të kalbur  
Ky fis nuk paska as fe  
Por nuk është as pagan

Fëmijët e vetë i varrosin  
Nëpër sinor  
Kur janë të etur  
Dhe të uritur  
Si lukuni qensh kafshojnë njëri-tjetrin

Ky fis  
Që nuk i përngjan njeriut  
Ende është në hulumtim të vetvetes  
Lind dhe vdes  
Ngjashëm me vdekjen e meteorëve

## KURSE GJATË TËRË DITËS

Kur u rritëm  
Nuk i përngjanim më vetvetes  
Nga rropullitë tona  
Filluan të fryjnë disa lloje erërash  
Krejtësisht ishte më ndryshe  
Kur ishim të vegjël

Jetonim pa i njohur dredhitë e njerëzve  
U besonin pafajësisë së fluturave  
Tërë ditën loznim  
Me të gjitha speciet e zogjve

Bretkosave ua mbaronim shtëpitë  
Në disa kutia kartoni  
Dhe thjeshtë  
Donim çdo gjë  
Që mund të prekej me dorë

Ishim të lumtur  
Qielli mbi kokën tonë nuk kishte sinor  
U përngjanim zogjve  
Cicëronim në shumë gjuhë  
Këngët e njëri - tjetrit

Por sot kur u rritëm  
Filluam të mendojmë ndryshe  
Netëve të vona hapim varre  
Kurse gjatë tërë ditës  
Vajtojmë si gratë e liga

## **ENDE NUK JAM I SIGURT**

Ajo i kishte duart delikate  
Përplot gjallëri  
Sa herë që i lidhte nyje  
Flokët e mia  
Dita qeshte si një fëmijë

I mbushte grushtet  
Me vesën e hershme të mëngjesit  
Dhe tërë ditën e lume  
Ua shuante zogjve etjen  
Nuk i përngjante askujt  
Përpos një nëne

Ende nuk jam i sigurt  
Se çfarë ishte ajo  
Ishte engjëllushe  
Nënë e mirë ose një vashë  
Lindur nga baladat  
Por duart e saja  
Shëronin çdo plagë të rinisë



## **POR KËTË QË BËJMË NE**

Asnjëherë në jetë  
Nuk kuptuam se kush jemi ne  
Të gjallët e rrjepin  
Kurse të vdekurve me një elegancë  
Ta paparë  
Ua veshim pantallonat  
Këpucët dhe këmishët e reja  
Nuk e harrojmë as kravatën

Në disa rasate të rralla  
I përcjellim me muzikë mortore  
Arkivolet i ngjyrosim me disa lloje ngjyrash  
Që të duken më alegro  
Ose sipas dëshirës së familjarëve  
Deri në dehje  
Pimë për shëndetin e askujt

Rrugës në kthim gjuajmë me fjalë  
Njëri - tjetrin si me gjuhë gjarpri  
Dhe me padurim presim  
Një dehje tjetër më madhështore

Nuk di më  
Me çfarë të krahasohemi  
Por këtë që bëjmë në vetëdijen tonë  
Nuk i përket asnjë njeriu

## SI TRENAT E VERDHË

Një hënë e re  
Del dhe zhytet në kujtesën time  
Po ashtu edhe një ëndërr e një vjeshte  
Fundoset te korijet e pasosura  
Mbase dimri sivjet  
Në prehrin e gjetheve  
Nuk duket edhe aq i lumtur

Lisi i vetmuar te dunat  
Përmallshëm këndon  
Një baladë për lejkun e bardhë  
Sivjet asnjë zog shtegtarë  
Nuk u ndal te mullarët e lagjes  
Ta ndërtoj çerdhen

Ne nuk kishim kohë  
Ose nuk ditëm t'i perceptojmë  
Ardhjet e shirave  
Dimrat këtu janë të pashpirt  
Lotët e zogjve  
I shndërrojnë në kristale të akullta

Me gjasë stinët sivjet  
I kanë humbur itineraret  
Si trenat e verdhë  
Kalojnë vërdallë këndej fluturat  
Edhe në këtë pritje të pashpresë  
Të kthimit të zogjve  
Ora diellore  
Po i përjeton sërish  
Mungesat e shirave të bardha

## **NJERËZIT MË NUK DINË**

Mos të lutem  
Mos i hap portet e dhembjes  
Të kësaj nate të gjymtë  
Hijet kaherë  
I vranë merimangat e zeza

Një kampanë që disa shekuj  
Po vajton golgotën e fateve të fluturave  
Kryqet u dehidruan në shi  
Vetëm një zë si mallkim i lashtë  
Dëgjohet nëpër eterin e pluhurosur

Im atë ndjesëpasti  
Në çdo kohë tregonte përrallën  
E një molle të kafshuar  
Tregonte  
Se sa lehtë mund të mashtrohet njeriu

Era frynë e frynë nga të katër anët  
E hemisferës  
Njerëzit më nuk dinë  
Se kah i bie Jugu e kah perëndimi  
Një breshkë deti  
Si një varkë e humbur  
Noton në lotin e tokës

## NJË MJAULLIMË E ZEZË

Si nga baladat dalin njerëzit  
Nga shpirtrat e drurëve  
Një pranverë ikën tej gjetheve  
Vjen tjetra si uturimë e vjeshtës

Kam përjetuar edhe ditë më të liga  
Por nuk durohet  
Ky lot dreri  
Një mjaullimë e zezë  
Si të ishte e huazuar prej djajve  
Vinte nga ana perëndimore e kalasë

Lumëbardhi si kurdoherë vigjilent  
Bisedonte me gjethet  
E këputura të një vjeshte  
Kurse dimri qëndronte te malet  
Si këmbëza e ngrehur e pushkës

Ne kur nuk kishim se çfarë të bëjmë  
I ndryshonim itineraret e trenave  
Ora e vjetër në stacion  
Tani më asgjë  
Askujt nuk i tregon  
Heshtja e saj i përngjan sfinksit  
Në fund të lagjes së evgjitëve  
Lehjet posa kanë filluar të ekzaltohen

Mbrëmë hëna e dërmuar hingëlloi  
Një kohë të gjatë  
Erdhën një grumbull hajdutësh  
Dhe nuk lënë asnjë fije bari mbi tokë  
Një lis i moçëm  
Shfletonte përrallën e harruar  
Te një stinë e venitur

## MALLKIMI I PASQYRËS

Për çdo ditë  
Nga mendja shpërthejnë kuajt e zjarrtë  
Ajri i përskuqur belbëzon  
Në prapavijë  
Një psalm e lashtë buron nga toka

Hijet e tymosura si stiva drurësh  
Të prerë thahet në shtrojerë  
Nën trarët e djegur të hanit  
Sa e gjatë qenka sonte  
Kjo rruga e rapsodive

Një det i paanë  
Shtrihet në pasqyrën e mëkateve  
Honet si zogjtë e pashpresës  
Çelin një lloj trishtimi

Troku i çmendur i erës  
S'mund të ndalet asnjëherë  
Në asnjë shteg të vetmisë  
Nuk zbresin engjëjt

Ka më se njëqind vjet  
Që po ngjan ky udhëtim  
Nëpër mendjen e brishtë të mjegullave  
Dëgjohen vetëm zëra të vetmuara

Njëqind mallkime  
Lindin në pasqyrën e imagjinuar  
Të shiut të trentë  
Në murin përballë heshtjes  
Te një mëkat  
kanë filluar të çelin zambakët

Era tinëzake  
Frynte nga të gjitha pjesët e trurit  
Frynte  
Dhe nuk dinte të ndalej  
Mallkimi në syprinën e etjes



## DIKU NGA MALET

Kam dëgjuar prej të tjerëve  
Se bjeshkët jetojnë me qindra vite  
Në shpirtrat e drurëve  
Mbështjellë  
Me një magji prej gjetheve rriten shpresat

Sa herë që vrapon këndeje pari  
Nusja e lalës  
Milingonat e kuqe  
Fshihen në rrënjët e rrapit

Dimrat nuk vijnë këtu  
Për t'i larë mëkatet  
Por sa herë që kalojnë këndeje pari  
Mëkatojnë  
Si pasqyrat në murrët e përrallave

Diku nga malet  
Për çdo ditë  
Zbret një mjegull i hirtë  
Fushat mbulohen me trishtimin e pritjes

Një korb i zi nate  
Asnjëherë nuk i ndali krakëllimat  
Lehin edhe meteorët  
Leh edhe vetë nata  
Pas zogjve të ikur të mendjes  
Zbresin yjet e vetmuara

*Prishtinë, 26 qershor 2013*

## **NJË KORB I BARDHË**

Në çastin e fundit  
Kur era m'i mbyllë sytë  
Arkivoli i kaltër te shëlgjishtet  
Përfjetoi pikëllimin  
E mallkimit të pasqyrës

Një hutin i zi nate  
Ia filloi një kënge të vjetër  
Këndoi edhe era  
Ky kor delikat  
Po i përngjan simfonisë së Bethovenit

Ne nuk pritëm ardhjen e shirave  
Stina i kishte veshur  
Pantallonat e zeza të një balade  
Dhe defilonte trotuarit  
Si kukullat prej leckave

Një erë bliri  
Zbriste nga bjeshkët e mira  
Gjethet në ekzaltim e sipër  
Këndonin një serenatë

2.

Valsi i mbrëmjes kishte hipur  
Fluskave të dallgëve  
Dhe i kalëronte pa dizgjin  
Kuajt e kuq të mjegullave

Një natë si kjo  
Mbase më duket natë e huaj  
Në prehrin e lisave fshihen  
Daullet e një stuhie

Një korb i bardhë  
Ndoshta nuk i përngjan  
As korbit më  
Fluturoi me një krah të thyer  
Mbi çatinë pa ulluk  
Te një arkivol i harruar  
Dëgjohen ngashërimet e erës

## **PO AQ EDHE E ETUR**

Nëse nuk i hapni sonte portat  
Si mund të gjej vend ëndrra ime  
Në gjumin e lumit  
Moj syjeshile

Thonë se  
Përrallat nuk janë për të rritur  
Po kush të foli për rritjen time  
Moj sybajame

Isha dikur  
Një djalë më dëshira dhe ëndrra  
Me qindra zogj shpresash  
Fluturonin nga koka ime  
Moj dëshirë e zjarhtë  
Sa e uritur  
Po aq edhe e etur

*Prishtinë, 27 qershor 2013*

## KUJTESË PA DYER E DRITARE

Unë asnjëherë s'isha mbret  
E as ti mbretëreshë  
Në këtë përzierje paska zënë vend  
Ky pelegrinazh prej vegimi

Ishte vetëm një arkitekturë e brishtë  
Në ngrehinën e dunës  
Askund asnjë palë shkallë  
Kujtesë pa dyer e dritare

Ngrica si e tërbuar i kafshonte çatitë  
Pamë edhe arkivole te varret  
Në brendinë e një muzike mortore  
Përherë qante mështekna kur binte shi

Përjetuam edhe fundosjen e një fillimi  
Ose të një fundi tragjik  
Që nuk dihej se kah erdhi  
Dhe ku po shkon

Ishim të huaj në qeniet tona klandestine  
Po ashtu edhe mbetëm deri në fund  
Unë asnjëherë nuk loza rolin tim  
As ti nuk ishe  
Në përfundimin e aktit të fundit

## AJO

Ajo kishte dal nga banesa  
Dhe i kishte shpërfillur  
Të gjitha ëndrrat

Ecte në drejtimin e kundërt të erës  
Në disa raste i përngjante  
Merimangës së zezë

Në çdo hap të saj  
Ose lindte nga një trishtim  
Ose varroseshin ëndrrat e pa lindura

Një galop i papërfillshëm i erës  
Mizorisht shkelte  
Mbi supet e lodhura të mbrëmjes

Ecte e shpërfillur deri në mos durim  
Nën këmishën e erës  
E cila lëngonte nga lia e ujit

Pranvera shikonte shamitë e përshëndetjeve  
Një dimër i zi  
Si ujku i uritur qëndronte në pritë

Kur u pamë me këmishën e saj të verdhë  
Mendua se gjelbërimi i syve të barit  
Kishte marrë një tjetër ngjyrë

Kur u thyen xhamat e kujtimeve  
Një bretkosë këndoi deri në mbrëmje  
Serenatën e trishtimit të pasqyrës



## HARABELAT

Çdo njeri e ka historinë e vet  
Një palë këpucë vrapojnë rrugëve  
Vrapojnë  
Derisa të shqyhen shollat  
Si një hartë e grisur prej letre  
Po duket atdheu im

Disa zogj nëpër telat elektrike  
Një kohë të gjatë  
Kënduan një këngë patetike  
Dallëndyshet më nuk fluturojnë  
Në drejtim të atdheut tim

Një lejlek i zi  
Mbase e ka humbur orarin  
E itinerareve  
Ilegalisht ka zënë vend  
Në oxhakun e vjetër të fanarit  
Dhe pret kthimin e peshkatarëve

Disa lloje të shpendëve  
Që asnjëherë nuk janë parë në tokën tonë  
Fluturojnë prej një ane  
Në anën tjetër të pasqyrës së mallkimit  
Harabelat as që mendojnë  
Për ndonjë fluturim në drejtim të Jugut

## NGA MALLKIMI I SHUPLAKVE

Nëpër atelienë e mjegullave  
Mbrëmë dëgjuam  
Disa lloje këlthitjesh  
Zërat dëgjoheshin nga një thellësi  
E dendur e uturimës

Krakëllimat vinin si një jehonë e lashtë  
Mbi qiellin sterrë  
Serenatat e korbave të çmendur  
Pritnin të hapen perdet  
E aktit të parë  
Në teatrin e imagjinatës  
Vdesin aktorët

Meteorët endacak  
I kishin humbur të gjitha rrugët  
Dhe qanin mbi një dunë prej rëre  
Dy zogj të vendlindjes së Mjedës  
Bartin disa zarfe të kaltra

Qielli i mbuluar me pikëllim  
Trishtohej e trishtohej  
Si një mace e uritur  
Në sofrën e dhembjes  
Ishin ulur këmbëkryq  
Milingonat dhe vajtonin në kor

Kjo dhembje prej mishi  
Nuk paska të ndalur sonte  
Akoma çafkat e dehura  
Në lotin e golgotës  
Pinë ujë  
Nga mallkimi i shuplakave



*Cikli i tretë*  
*Një zog i trishtuar*



## **NËSE NGJAN E KUNDËRTA**

Sonte jam diçka më shumë se vetvetja  
Dhe shumë më pak se ajo hije  
Që po i përngjan  
Vdekjes së gështenjave të pjekura

Një hënë e re  
Mbi kokën time tullace  
Me gishtat e saja të holla  
Qëndis këmishën e një meteori

Sa herë që ju takoj te varret  
Më duket se  
Po i përngjani arkivoleve  
Disa kryqe të ngulura në tokë  
Po i përngjajnë kësaj here  
Një tjetër kryqi te mjegullat

Një qen i moshuar  
Mbrëmë mbase qante si kërthi  
Ose bisedonte më një tjetër lehje  
Nën gjethet e manit të egër  
Krimbat e mëndafshit  
Po ia thurin një këmishë prej letre natës

Sonte dua të jem me vetminë e yjeve  
Nëse ngjan e kundërta  
Ju mos u bezdisni  
Për këtë zbrazëti të imagjinuar  
Sepse nata nganjëherë zhduket  
Në xhepat e shqyera të vetvetes



## ULEMI TE PRAGU I DERËS

Kur më premtan koha  
Pikturoj pasqyrën e pikëlluar  
Dhe në syprinën e liqenit  
Peshkun e artë

Në qytetin tim  
Pranvera vonohet më shumë se çdo stinë  
Por kur kthehet vjeshta  
Një qukapik troket nëpër dyert e lisave

Ne si çdoherë jemi njerëz anemik  
I përcjellim fluturimet e zogjve  
Prej një çatie të vjetër  
Në tjetrën çati vetëm me shikime të mrrolura

Kur lodhemi nga këto imazhe të rrejshme  
Ulemi të pragu i derës  
Dhe i përcjellim rosat e egra  
Deri te çerdhet e mjegullave

## NGA LËVORJA E DRURIT

Sonte nuk më pret asnjë njeri  
Në këtë boshllëk  
S'paska kohë  
As koha e kaluar

Vetëm disa yje vezulluese  
Me xheloz  
I përcjellin deri te portat  
Delet e egra të qiellit  
Nëpër kullosat e yjeve  
I lëmë peng zogjtë e fëmijërisë

Nuk di  
Por disi po pikon sonte  
Një lloj rrëshire  
Prej trupit të molisur të hënës

Kjo nostalgji  
Që s'ka të mbaruar  
Po i thyen për kokën time  
Të gjitha shtambat e poçarit

Kur një melodi e vjetër  
Zgjohet nga harresa  
Njerëzit  
Fillojnë të mbinë nga përrallat

Dhe i imitojnë për bukuri  
Kukullat prej leckave  
Njerëzit lindin mbase për herë të parë  
Nga lëvorja e drurit

*Prishtinë, 28 qershor*

## NJË ZOG I TRISHTUAR

Sonte duart e mia të lëngëta  
Po i përngjajnë  
Një peme të harruar  
Asnjë kokërr molle s'paska mbetur  
Në kopshtin e trëndafilave

Kur s'pata rrugëdalje  
Rashë në dy gjunjë  
Dhe e putha kaktusin e egër  
Një gjarpër me syze  
Te kopshti i profecisë  
Flinte nën hijen e mollës

Ne i harruam edhe kësaj here  
Dizgjinët e mallkimeve  
Pranë portave të Ferrit  
Fillonte vazhdimësia  
E një rruge pambarim  
Symbyllas ecëm  
Deri në pikëllimin e pasqyrës

Ne nuk patëm kohë  
Ose s'deshëm  
Të mendojmë për të nesërmen  
Një zog i trishtuar nga fajet  
Kërkonte bekimin prej gjetheve të një molle

## JONI NOSTALGJIK

Sa herë që takoheshim me makthet  
Sajonim perëndi edhe prej balte  
Kukullat tona si leckat të harruara  
Kishin mbetur pa pikë loti

Më kujtohet kur dënesnin mjegullat  
Kalorësit e rrufeve  
Si të çmendur  
I kamxhikonin meteorët  
Kurse te varet qanin fëmijët e braktisur

Pas shirave i mbulonim kokat tona tullace  
Dhe duke u fshehur pas arkivoleve  
Qeshnim si të babëzitur  
Hëna e dhunuar  
Fshihej diku pas mjegullave

I përjetuam disa lloje torturash  
Nënat me shamia të zeza  
I mbulonin sytë  
Një njeri qante te dunat e trishtimit  
Joni nostalgjik  
Hingëllonte si kali i egër

## **NJË ZOT I HARRUAR**

Nën këmishën e natës  
I ndezëm zjarret  
Qirinjtë e harruar të një përralle  
I kyçën kandilat te arkivolet e thyera  
Nga xhepat e meteorëve  
Pikuan mirazhet e një trishtimi

Peshkatarët po kthehen duarthatë  
Pa anije  
Dhe me rrjeta të zbrazura  
Një Zot i harruar  
Qante te dallgët  
Fatin e një peshkaqeni

Në mol dikush i kishte kyç  
Të gjitha yjet e natës  
Asnjë fanar deti nuk fjeti mbrëmë  
Nën gjuhën e peshkut fluturues  
Çuditërisht buronte  
Një tjetër det prej lotëve

## TI ISHE DIKU ASKUND

Kur filloi si brejtësi  
Të më brente vetmia  
Ti ishe diku askund

Pastaj si një pasion i panjohur  
Erdhi nata tinëzare  
Dhe hyri ngadalë  
Si trishtimi në shpirtin tim

Më duket se qenia ime  
I përngjante një zbrazëtie  
Të pafund

I preka sytë e trishtuar të sterrës  
Kur erdhi agullima  
Më humbën gishtat e duarve  
Ku ishe ti dje  
Dhe ku jam unë sot

Kur filloi  
Çdo gjë nga e para  
Unë isha një iluzion  
Kurse ti  
Një pikë vese  
Mbi një gjethe që ikte me stinët

## **NJË YLL I VETMUAR**

Sonte nuk qeshin njerëzit  
Askush nuk kalon përtej lumit  
Ura e thyer  
Me një fashë prej trishtimi  
I lidh plagët e Gjergjit

Një kohë të gjatë  
Hingëllimat nuk pushuan  
Në zbrazëtirën e qiellit  
Era i shaloi mjegullat  
Dhe iku tejpertejmes

Hëna te një çati e rrënuar  
I përcjellë zogjtë në vendlindje  
Në jelet e kuajve të paçjerrë  
Një yll i vetmuar  
Këndonte një serenatë  
Dashnorëve të pafat



## **ECIM ME NJË PASION**

Mbaje mend këtë lojë  
Ne nuk dimë  
Ku fillojnë dhe ku përfundojnë  
Ëndrrat e një nate

Ecim me një pasion  
Prej zjarri  
Kjo udhë e gjatë posa ka filluar  
Të tkurret si defi i ciganes

Ne të gjithë ecim  
Ose ngarendim deri te një pafundësi  
Pranë vetmisë kjo rrugë e gjatë  
Edhe hijet si iluzion vijnë pas nesh

Poqë se ndalemi  
Duhet të kemi kujdes si dhelpira  
Nën këmbët tona të shtrembëta  
Fle një befasi e pasionuar

## **MBI ÇATINË E KUJTESËS**

Kjo copë e grisur prej mjegulle  
Dëneste te xhepat e erës  
Lotët i shkonin rrëke  
Një sutë e plagosur  
Prej fjalëve  
S'mund t'i ndalte ngashërimet

Qante edhe bari i fishkur  
Ky kor i rrallë  
Në hapësirën e paanë  
Mbase ishte fillimi  
Ose përfundimi i një përralle

Dita ngjyer me dhembje  
Dënes si kërthi  
Lotët e trishtë të përmallimit  
Mbyten nën dallgët e Lumëbardhit

Mbi çatinë e kujtesës  
Një lejlek i larmë qëndronte pa fjalë  
Vetëm shikimet e mjegullta të kukuvajkave  
Dukeshin si mirazhe  
Të një tjetër bote  
Në lotin e erës  
Dita përjetoi përmbytjen e varkave

## SËRISH DY ZOGJ TË PARAJSËS

Mbi këtë pllakë mermeri  
Njollat e dukshme  
Dhe të padukshme të gjakut  
Kristalet prej dëbore  
Si flokët e mjegullave  
Pareshtur bien  
Mes dy hapësirave

Një hap përpara shkallëve  
Hija e saj e jeshilët  
Ajo nën hijen  
E hijes së gështenjës  
Këndon një serenatë drithëruese  
Te një dritare posa e hapur  
Puthen dy zogj të parajsës

Shiu dhe era lozin  
Çmendurisht lozin valsin e vjeshtës  
Dora ime një degë e një peme  
Fryti i përditshmërisë bie në tokë  
Dhe bëhet shi prej zjarri

Nga zëri i tokës  
Zgjohet një melodi  
Sërish dy zogj të parajsës  
Puthen në degët e mjegullave

## ZOGJTË E URITUR

Një mall  
Si një pemë rritet në mua  
Eci bulevardëve blu  
Kudo dritare dhe dyer të mbyllura

Sërish eci  
Deri në pafundësi të kujtesës  
Asnjë pemë frytdhënëse  
Në çel zogj që fluturojnë në vendlindje

Ky mall i cili  
Si llava zbret në shpirtin tim  
Me çka mund ta shuaj  
Trishtimin e pikëllimit në pasqyre

Në këtë mëngjes të varfër  
Zogjtë e uritur  
Po i dorëzohen melankolisë  
Së mjegullave të trishtuara

Sërish një ecje e pakontrolluar  
Pareshtur galopon  
Nëpër flokët e mia të thinjura  
Nuk di malli ose zjarri i Ferrit  
Po e djegin këtë pemë  
Që ka filluar të lulëzojë në mua

## KURDOHERË KY TREN I ÇMENDUR

Asnjë udhëtarë nuk mbeti  
Në trenin e mëngjesit  
Zbritën edhe valixhet e fundit  
Një kolonë prej pemëve degëthyer  
Ecën trotuareve blu

Ky qytet posa i mbylli dritaret  
Asnjë çati s'tregon mikpritje  
Vetëm një zog i vetmuar  
Në një shtyllë telefoni  
Përhëndet kolonën e heshtur prej njerëzve

Rrugët e gjëra  
I kanë lëshuar në gjysmështiza  
Shikimet e vrara  
Një zonjë e moshuar me taka të larta  
Te barnatorja blen tableta gjumi

Kurdoherë ky tren i çmendur  
Sjellë njerëz me valixhe të drunjta  
Nëpër rrugët e boshatisura  
Dëgjohen kërcëllimat e dritareve

Një tjetër zonjë me këpucë të rrafshëta  
Rrëfen për pafajësinë  
E udhëtarëve të mëngjesit

## **NJË VARR I HAPUR**

Zëri dhe pianoja  
I konvertojnë në gjethe flokët e erës  
Një fjalë zbret prej tejpërtejmes  
Etja me madhështi  
Fundoset në shpirtin e mollës

Nën sofrën e pritjes  
Mjaullima macesh të egra  
Ku ishin dasmorët  
Kur ecëm deri te legjenda  
Atë ditë filloi përmbytja e profecisë  
Një varkë e vetmuar vajtoi te fanari

Erdhën mjegullat dhe i kyçën shirat  
Ikja ishte e gjatë  
Më e gjatë se nata e thikave  
Një zog endacak  
Reciton poemën e mjerimit

Unë nuk kisha kohë  
Dhe akoma jam te një fillim  
I imagjinuar  
Në pasqyrën e fëmijërisë  
Një grua e moshuar  
Me qindra vjet i kreh flokët

2.

Këtu në këtë lëndinë kufomash  
Lindin si përherë  
Shpirtrat e degëve të mirazheve  
Një hënë e vrarë  
Vajton fatin e yjeve të kalbur

Ne askund nuk i gjetëm  
këpucët e arkivoleve  
Një varr i hapur si dritaret pa xhama  
Në syrin e djathtë të një peme  
Përjeton ringjalljen e njeriut

## NGA SYTË E TUA

Kur këndoje ti  
I përngjaje një perëndeshe ilire  
Flokët e tua të argjendta  
E kishin aromën e barit të njomë

Sa herë që qeshje  
Në sytë e gështenjtë të barit  
Derdheshin shikimet e tua  
Disa pika uji buronin të shëlgjishtet

Flokët e mëndafshta të erës  
I përngjanin reve të pambukta  
Ku flinin perënditë e Olimp  
O asnjë Zot  
Nuk mund të të mos dashuronte

Ti isha fjala  
Dhe kryefjala e të gjitha ngjarjeve  
Nga sytë e tua  
Në vend të lotëve pelin  
Pikonte  
Një lloj balsami shërues



## **GOLGOTA E NJË TREGIMI**

Në horizont  
Si njerëzit ecin mjegullat  
Një hënë e dehur  
I ndez qirinjtë  
Në fund të një gote  
Shirat bien pak më ndryshe kësaj radhe

Nga çatitë e harruara të qytetit  
Pikojnë ullukët e ndryshkur  
Një buf i sëmurë  
Në dënësje e sipër  
Te një degë qershie i lëshoi vezët

Golgota e një tregimi  
Sot po i përngjan përrallave  
Të 1001 netëve  
Te fanari i vjetër një njeri  
Sonte i kyçi llambat e vajgurit

## **FRYJ SA TË DUASH**

Fryj  
Fryj sa të duash  
Moj stuhi e çmendur  
Askurrë nuk mundesh me i shkulë  
Rrënjët e mia

Sa e sa ushtri kaluan këndeje pari  
Gjeneral të hekurt me kuaj prej druri  
Kaluan edhe zjarret  
Dhe asnjëherë  
Nuk ishin në gjendje t'i djegin gjethet

Fryj  
Fryj sa të duash  
Moj stuhi e çmendur  
Kjo tokë e regjur nga luftërat  
Askurrë  
Dhe askujt nuk i dorëzohet

Fryj  
fryj sa të duash  
Moj stuhi e çmendur

## **KUR MË ZURI PLEQËRIA**

Vrapova korridoreve të etjes  
I takova imazhet e ndrydhura  
Asnjë kolibër  
Nuk erdhi mbrëmë me letrën tënde

Kur të thirra  
Ti ishe diku në fund të rrugës  
Ose fundi as që ekzistonte  
Në gjeografin e atdheut

Më kujtohet kur na i lëruan sinorët  
Im atë qante  
Kurse mua më dukej sa tragjike  
Po aq edhe i trishtë vaji i burrit

Mbase isha fëmijë  
Shumë pak jetova me atdheun  
Andaj  
Më dukeshin qesharak  
Lotët e burrave

Kur më zuri pleqëria  
Mes kudhrës dhe çekanit  
Vetëm atëherë  
Fillova të dashuroj  
Çmendurisht ta dua atdheun e kafshuar

## NUK DI A ISHTE FEMËR

Ajo si mistika doli nga balada  
Dhe hyri në mesin tonë  
Nuk di a ishte femër  
Ose i përngjante sirenave të Uliksit

Ishte koha  
Kur ndërroreshin këpucët  
Me një palë sandale prej letre  
Hijet e zeza herë zhdukeshin  
E herë notonin si tërbimi i dallgëve

Një këndes kreshtë kuq  
Në trarët e një druri  
Ekzaltohej me baladat e kënduara

Rapsodi i kishte gjetur në harresë  
Fijet kohës  
Dhe këndonte një këngë  
Vetëm kur këndonin edhe qyqet

Përtej maleve të mira  
Dëgjoheshin piskama grash  
Dhe krismat e pushkëve  
Nuk pushonin  
Herë britma gëzimi e herë trishtimi  
Lëshonin rrënjët e lisave të moshuar

2.

Ajo sërish sonte  
Po i përngjan një mistike  
Që çel për çdo stinë  
Nga një trishtimi prej hijeve  
Dhe lëshon  
Një zë aq të fortë  
Sa që i shkund  
Të gjitha gjethet e papjekura  
Në flokët e thinjura të rrapit

*Prishtinë, 30 qershor 2013*

## SHËNIME BIOGRAFIKE PËR AUTORIN

**Adem Zaplluzha** u lind në Prizren, më 1943. Shkollën fillore dhe të mesme i kreu në vendlindje, ndërsa Akademinë Pedagogjike në Prishtinë. Një kohë punoi si mësues nëpër fshatrat Studençan të Therandës (ish Suharekës) dhe Hoça e qytetit, afër Prizrenit. Ndërkohë punësohet si përkthyes në Korporatën Energjetike të Kosovës. Me shkrime filloi të merret kryesisht me poezi që nga mosha e fëmijërisë. Rugën letrare e nisi me vjershën e parë për fëmijë të cilën e botoi në revistën “Pionieri”, më 1957. Si i punësuar në Korporatën Energjetike të Kosovës bashkë me shokët e punës dhe pendës themeloi grupin letrar “Lulëkuqet e Kosovës”. Në Kuadër të punës së këtij grupi letrar qe botuar përmbledhja “Ngjyra e kohës”, në të cilën u përfshi një numër i konsideruar i poezive të tij. Krahës krijimeve të publikuara në revistat për fëmijë, botoi edhe një serë shkrimesh nëpër gazetatat e kohës që dilnin në Prishtinë dhe Shkup. Është anëtar i Lidhjes së shkrimtarëve të Kosovës, prezent në disa antologji dhe në librin Kosova letrare të poeteshës Monica Mureshan. Është prezantuar në *Leksikonin e Shkrimtarëve Shqiptarë 1501-1990*, nga Hasan Hasani, në *Leksikonin Shkrimtarët Shqiptarë për fëmijë 1872 - 1995* nga Odhise K. Grillo, si dhe në

librin *Portrete Shkrimtarësh* nga Demir Behluli, Prishtinë, 2002 Në maj të vitit 2013 Klubi i Artistëve dhe i shkrimtarëve të Durrësit ia ndau çmimin e karrierës për kontributin e dhënë në letrat shqipe. Jeton dhe krijon në Prishtinë ndërsa aktivitetin letrar e zhvillon në kuadrin e Klubit letrar “Fahri Fazliu”, në Kastriot.



## BOTIME TË AUTORIT

1. **“Puthje”, poezi**, “Rilindja”, Prishtinë, 1974.
2. **“Ecjet e viteve të mëdha”, poezi**, “Jeta e Re”, Prishtinë 1995.
3. **“Çamarrokët e Thepores”, poezi për fëmijë**, “Shkëndija”, Prishtinë 1996.
4. **“Muret”, poezi**, “Jeta e Re”, Prishtinë, 1997.
5. **“Morfologjia e dhembjes”, poezi**, “Faik Konica”, Prishtinë, 2000
6. **“Ai vjen nesër”, poezi**, Qendra e Kulturës, Klubi letrar “Fahri Fazliu”, Kastriot, 2007
7. **“Letër nga mërgimi”, poezi**, Klubi letrar “Fahri Fazliu” Kastriot, 2007
8. **“Letër nga mërgimi 2 “ poezi**, “Qendra e Kulturës”, Klubi letrar, “Fahri Fazliu”, Kastriot 2007
9. **“Udhëndarja”, poezi**, “Qendra e Kulturës”, Klubi letrar, “Fahri Fazliu”, Kastriot, 2008
10. **“Thirrje e gjakut”, poezi**, “Qendra e Kulturës”, Klubi letrar, “Fahri Fazliu” Kastriot 2008
11. **“Asgjë sikur molla”, poezi**, “Qendra e Kulturës”, Klubi letrar “Fahri Fazliu”, Kastriot, 2009.
12. **“Vesa në lotin tim”, poezi**, “Qendra e Kulturës”, Klubi letrar “Fahri Fazliu”, 2009,
13. **“Puthja e gozhduar”, poezi**, “Qendra e Kulturës”, Klubi letrar, “Fahri Fazliu”, Kastriot, 2009.
14. **“Kashelasha në vargje”, poezi për fëmijë**, “Qendra e kulturës, Kastriot, 2009.
15. **“Pema e bekuar”, E përkthyer**, Rumani, 2010.

16. “Bajraktarët e vatanit”, poezi satirike, Klubi letrar, ”Fahri Fazliu” Kastriot , 2010.
17. “**Hijet e ndryshkura**”, poezi,”Qendra e kulturës”, Kastriot,2010.
- 18.”**Stuhi në Kutulishte**”, poezi,”Qendra e kulturës”, Kastriot,2010.
19. “**Posa ikte nata**”, poezi, “Qendra e kulturës “, Kastriot,2010.
20. “**Loja e myshqeve**”, poezi,”Qendra e kulturës”, Kastriot,2010.
21. ”**Lumëbardhi dhe gjëma**”, poezi,”Qendra e kulturës”,Kastriot, 2010
22. “**Metafora e heshtjes**”, poezi, “Qendra e kulturës”,Kastriot, 2010
23. ”**Hyji në Prekaz**”, poezi,”Qendra e Kulturës”, Kastriot,2010.
24. ”**Sinorët e hinore**”, poezi, Shoqata e Shkrimtarëve-Kastriot 2010
25. ”**Don Kishoti dhe Rosinanti**”, poezi, Shoqata e Shkrimtarëve, Kastriot, 2010
- 26.”**Zjarri i dashurisë**”, poezi, Shoqata e Shkrimtarëve-Kastriot, 2010
27. ”**Kur likenet vallëzojnë**”, poezi, Shoqata e shkrimtarëve-Kastriot, 2010
28. “**Ditari në vargje**”, poezi, Shoqata e Shkrimtarëve-Kastriot, 2010
29. “**Tingujt që nuk përfundojnë**”, poezi, Shoqata e shkrimtarëve –Kastriot, 2010.
30. “**Shtegu i mallit**”, poezi, Shoqata e shkrimtarëve-Kastriot, 2010
31. ”**Korniza e thyer**”,Poezi, Shoqata e shkrimtarëve, -Kastriot, 2010

32. **“Zgjimi i gjëmës”**, Poezi, Shoqata e Shkrimtareve-Kastriot, 2010
33. **“Vallja mistike”**, Poezi, Shoqata e Shkrimtarëve- Kastriot, 2010
34. **”Merre kodin”**, Poezi për fëmijë, Shoqata e shkrimtarëve Kastriot, 2011
35. **“ Letër atdheut”** poezi, Shoqata e Shkrimtarëve-Kastriot, 2011
36. **“ Tejdukshmëria e shiut”**, Poezi, Shoqata e Shkrimtarëve- Kastriot, 2011
37. **“ Përtej teje”**, poezi, Shoqata e Shkrimtarëve-Kastriot, 2011
38. **“Sa afër e sa larg”** , poezi, Shoqata e shkrimtarëve-Kastriot, 2011
39. **“Vallja e zanoreve”**, Poezi , Shoqata e Shkrimtarëve- Kastriot, 2011
40. **“Ikja e eshtrave”**, Poezi për të rritur, Shoqata e Shkrimtarëve- Kastriot, 2011
41. **”Kalorësit e mjegullave”**, Poezi, Shoqata e shkrimtarëve-Kastriot, 2012
42. **“Hingëllimat e shiut”**, Poezi, Shoqata e Shkrimtarëve- Kastriot 2012
43. **“Kur pemët i ndërrojnë këmishët”**. Poezi, Shoqata e Shkrimtarëve- Kastriot, 2012
44. **“Mirëmëngjes Imzot”**, Poezi, Shoqata e shkrimtarëve – Kastriot, 2012
45. **“Kafshimi i mikut”**, Poezi satirike, Shoqata e Shkrimtarëve- Kastriot, 2012
46. **“Atje tej maleve”**, Poezi, Shoqata e shkrimtarëve , Kastriot-2012

47. **“Heshtja që del në shesh,”** Poezi, Shoqata e Shkrimtarëve, Kastriot -2012
48. **“Portat e shpresës,”** Poezi, Shoqata e shkrimtarëve, Kastriot-2012
49. **“Në dhomën time gjysmë të errët,”** Poezi, Shoqata e Shkrimtarëve- Kastriot, 2012
50. **“Kinse Lojë Shahu,”** Poezi, Shoqata e Shkrimtarëve- Kastriot, 2012
51. **“ Për çdo dekadë nga një baladë “,** Poezi, Shoqata e Shkrimtarëve – Kastriot, 2012
52. **“Fusha e mëllenjave,”** Poezi, Shoqata e shkrimtarëve- Kastriot, 2012
53. **“E kujt është kjo vetmi,”** Poezi, Shoqate e Shkrimtarëve- Kastriot, 2012
54. **“Mos pyet për adresën e lumit,”** Poezi, Shoqata e Shkrimtarëve – Kastriot, 2012
55. **“ Stoli në parkun vjetër”** Poezi, Shoqata e Shkrimtarëve- Kastriot, 2012
56. **“Urori i stralltë,”** poezi, Shoqata e shkrimtarëve –Kastriot, 2012
57. **“Po të mos ishte fjala,”** Poezi, Shoqata e shkrimtarëve- Kastriot,2012
58. **“Thyerja e urave,”** poezi, Shoqata e shkrimtarëve –Kastriot, 2012
59. **“ Trokëllimat në gjumin e dallgëve,”** Poezi, Shoqata e Shkrimtarëve- Kastriot, 2012
60. **“ Në flokët e dëborës,”** poezi, Shoqata e Shkrimtarëve –Kastriot, 2012
61. **“Një grusht nostalgji,”** Poezi, Shoqata e Shkrimtarëve-Kastriot, 2012
62. **“ Kur filluan të flasin njerëzit,”** poezi, Shoqata e shkrimtarëve- Kastriot, 2012

63. **“Kur stinët kapërcejnë fshehurazi”**, poezi, Shoqata e Shkrimtarëve – Kastriot, 2012
64. **“ Lisi në rrënjët e veta”**, Poezi, Shoqata e Shkrimtarëve –Kastriot 2012
65. **“Eca ecëm dhe do ecim”**, Poezi, Shoqata e Shkrimtarëve – Kastriot, 2012
66. **“Fëmijët e erës”**, Poezi, Shoqata e shkrimtarëve-Kastriot 2012
67. **“ Çast në fund të stinës”**, Poezi, Shoqata e Shkrimtarëve- Kastriot-2012
68. **“Si të flas me drurët”**, Poezi, Shoqata e Shkrimtarëve-Kastriot, 2012
- 69, **“ Më pëlqejnë mendimet e tua”**, Poezi, Shoqata e Shkrimtarëve- Kastriot , 2012
70. **”Andej dhe këndej kohës”**, poezi, Shoqata e Shkrimtarëve- Kastriot , 2012
71. **“Zëri i heshtjes”**, poezi, Shoqata e Shkrimtarëve- Kastriot, 2012
72. **“Kush i lexoi letrat prej erës”**, poezi, Shoqata e Shkrimtarëve-Kastriot, 2012
73. **“ Fluturimi i korbave në netët pa hënë”**, prozë poetike, Shoqata e Shkrimtarëve –Kastriot, 2012
74. **“Koha e ime dhe koha e jote”**, Poezi, Shoqata e Shkrimtarëve-Kastriot , 2012
- 75.” **Diku te një baladë”**, Poezi, Shoqate e Shkrimtarëve –Kastriot, 2012
76. **“ Sonte çdo gjë po i përngjan lotëve”**,Poezi, Shoqata e Shkrimtarëve –Kastriot, 2012
- 77 **“ Ky def prej hëne”**, Poezi, Shoqata e Shkrimtarëve-Kastriot, 2012
- 78.**“Pyesni zogjtë në ikje ”**,Poezi , Shtëpia botuese “Fahri Fazliu”- Kastriot 2013

- 79 “ **Fërfërimë gjethesh**”, Poezi, Shtëpia botuese “Fahri Fazliu”, Kastriot- 2013
80. “**Refrene yjesh**”, Poezi, Shtëpia botuese “Fahri Fazliu”- Kastriot, 2013
81. “**Te delta e mjellmave**”, Poezi, Shtëpia botuese “Fahri Fazliu”, Kastriot- 2013
- 82.“**Rinjohja**”, Poezi, Shoqata e Shkrimtarëve “Fahri Fazliu”- Kastriot, 2013
- 83.“**Diku në fund të një fillimi**”, Poezi, Shoqata e Shkrimtarëve, “Fahri Fazliu”- Kastriot, 2013
- 84.“**Makthi i hijes**”, Poezi, Shoqata e Shkrimtarëve-“ Fahri Fazliu”Kastriot, 2013
- 85.“**Një zog prej uji**”, Poezi, Shoqata e Shkrimtarëve “Fahri Fazliu”- Kastriot
- 86.”**Asnjë fjalë nuk frymon**”, Poezi, Shoqata e Shkrimtarëve, “Fahri Fazliu”- Kastriot, 2013-
- 87.”**Daullet e një nate**”, Poezi, Shoqata e shkrimtarëve “Fahri Fazliu”-Kastriot 2013
- 88.”**Sytë e gurtë të erës**”, Poezi, Shoqata e Shkrimtarëve “Fahri Fazliu”- Kastriot, 2013
- 89.”**Kur dehen perënditë**” , **Poezi, Shoqata e shkrimtarëve “Fahri Fazliu”-Kastriot -2013**
90. “**Fjetëm njëqind shekuj**”Prozë poetike, Shoqata e Shkrimtarëve “Fahri Fazliu”-Kastriot, 2013
- 91.”**Krakëllimat e natës**”,Poezi, Shoqata e shkrimtarëve “Fahri Fazliu”-Kastriot, 2013

## PËRMBAJTJA

<b>Cikli i parë - Ishte koha e një pashai .....</b>	<b>11</b>
Ishte koha e një pashai .....	13
2. ....	14
3. ....	15
4. ....	16
5. ....	17
6. ....	18
7. ....	19
8. ....	20
9. ....	21
10. ....	22
11. ....	23
12. ....	24
13. ....	25
14. ....	27
15. ....	28
16. ....	29
17. ....	30
18. ....	31
19. ....	32
20. ....	33
21. ....	35
22. ....	36
23. ....	37
<b>Cikli i dytë - Krakëllimat e natës .....</b>	<b>39</b>
Një zog shtegtar .....	41
Krakëllimat e natës .....	43
Ky fis .....	45
Kurse gjatë tërë ditës .....	46

Ende nuk jam i sigurt .....	48
Por këtë që bëjmë ne .....	49
Si trenat e verdhë .....	50
Njerëzit më nuk dinë .....	52
Një mjaullimë e zezë .....	53
Mallkimi i pasqyrës .....	55
Diku nga malet .....	57
Një korb i bardhë .....	59
2. ....	60
Po aq edhe e etur .....	61
Kujtesë pa dyer e dritare .....	62
Ajo .....	63
Harabelat .....	65
Nga mallkimi shuplakave .....	66
<b>Cikli i tretë - Një zog i trishtuar</b> .....	69
Nëse ngjan e kundërta .....	71
Ulemi te pragu i derës .....	73
Nga lëvorja e drurit .....	74
Një zog i trishtuar .....	76
Joni nostalgjik .....	77
Një Zot i harruar .....	78
Ti ishe diku askund .....	79
Një yll i vetmuar .....	80
Ecim me një pasion .....	81
Mbi çatinë e kujtesës .....	82
Sërish dy zogj të Parajsës .....	83
Zogjtë e uritur .....	84
Kurdoherë ky tren i çmendur .....	85
Një var i hapur .....	86
2. ....	87
Nga sytë e tua .....	88
Golgota e një tregimi .....	89



## KRAKËLLIMAT E NATËS

---

Fryj sa të duash .....	90
Kur më zuri pleqëria .....	91
Nuk di a ishte femër .....	93
2. ....	94

Katalogimi në botim – (CIP)

Biblioteka Kombëtare dhe Universitare e Kosovës

821.18-1

Zaplluzha, Adem

Krakëllimat e natës / Adem Zaplluzha.

- Kastriot : Shtëpia botuese “ Fahri Fazliu”, 2014. -  
109 f. ; 21 cm.

Adem Zaplluzha : f. 99-104

**ISBN 978-9951-664-06-6**